

**Genciano.** Herba veg. treege amara, kun blua floro, uzata por fari infuzaĵojn, likvorojn (*gentiana*).

**Genealogio.** Tabelo de deveno k parenceco de la membroj de gento : *fari, starigi la ~on de familio* ; *la ~o de David, de rasĉevalo*. ~a. Rilata al ~o : (f) ~a arbo (kies trunko estas la unuaj gepatroj, k branĉoj la posteuloj).

**generi Z** (tr) (p.p. virseksulo). Produkti vivantan samspecan kiel si estajon ; naskigi : *Abraham ~is Jakobon* ; *de li devenis la tuta ~o Z* (idaro). ~ado. Ago ~i : *homa, besta, vegeta ~ado* ; *spontanea ~ado* (produktado de vivo, okazanta laŭ kelkaj scienculoj sen antaŭa ĝermo). ~a. Rilata al ~o : ~aj organoj.

\* **Generacio.** Tuto de la proksimume samagaj homoj vivantaj dum la sama tempo periodo kalkulata laŭ la mezkvanta daŭro de la tiama homa vivo : *la nuntempa ~o malamas la militon B* ; *Esp-o travivis jam tutan homan ~on Z* ; *k mortis Jozef k ĉiuj liaj fratoj k tiu tuta ~o Z* ; *oni kalkulas proksimume kvin ~ojn en unu jarcento* ; *ĉar riĉeco ne daŭras eterne, k krono ne restas por ĉiuj ~oj Z* ; *liaj heroaj faroj transrakontiĝas de ~o al ~o*.

**Generalo.** Militestro supera al kolonelo, kiu komandas brigadon, divizion, korpuson aŭ armeon. Ĉef~o. Plej supera ~o, kiu komandas la tutan militistaron k ĉiujn aliajn ~ojn de lando aŭ liganaro.

**generatoro. 1** < Aparato aŭ maŝino, kiu produktas kontinuan aŭ alternan elektran energion de alta aŭ malalta frekvenco aŭ tensio : *kiam oni parolas pri elektra ~o temas en realeco nur pri transformiĝo de mekanika, katoria aŭ ĥemia energio en elektran. 2 \* Maŝino produktanta energion : *gas~o, glaci~o*.*

**genezo Z. 1** La unua libro de la Biblio, rilata al la origino de la mondo. **2** (f) Origino, deveno : *skizi la ~on de la ideo pri lingvo internacia*.

**Genio. 1** Antikva diaĵo, kiu zorgas pri la destino de ĉiu homo : *la Romanoj oferis al siaj ~oj. 2* Fabela estaĵo, feo, koboldo ke : *bonaj, malbonaj ~oj. 3* Plej alta grado de la homaj kapabloj ; superega inteligento : *por krei lingvon internacian estis necesa la ~o de Zamenhof B* ; *jam ne unu universala ~o, kiu*

*povus reformi la mondon, forputris ja en la senĵeligejo Z* ; *se tia ~o ne superas en tio ĉi mian Z*. (Kp TALENTO, SPIRITECO, NATURDOTO). ~a. Havanta ~on : ~a homo, spirito, verko, eltrovo ; *kiel ajn ~a la sistemo estus Z* ; ~ulo.

**Genisto.** Arbeta veg. el fam. fabacoj, kun flavaj floroj (*genista*).

\* **Genitivo** (G). Deklinacia kazo, kiu montras posedon, kvaliton, la tuton, de kiu oni prenas parton ktp, ordinare tradukita en esp-o per la prepozicioj de k da.

\* **Genoto.** Eta raba besto el fam. de ursoj kun bela valora felo (*genetta*).

**genro. 1** (G) Seksa karaktero de substantivo aŭ pronomo : *vira, ina, neŭtra ~o* ; *la gramatika ~o ne ekzistas en esp-o. 2* Grupo da zoologiaj aŭ botanikaj specoj, kiuj prezentas komunajn karakterojn ; specaro, gento, grupo.

\* **Gento. 1** Grupo da kelkaj familioj devenaj de unua sama prapatro, kune vivantaj k ordinare regataj de unu sama estro ; subdivido de nacio ; popoloeto : *la sovaĝaj ~oj de Afriko* ; *la ~o de Jakob* ; *la hebreaj ~oj* ; *la romanaj patriciaj ~oj* (Kp FAMILIO, KLANO, TRIBO, FRATRIO). **2** Raso : *la homa ~o* ; *la germanaj ~oj. 3* Subdivido de familio en zoologio k botaniko (= specaro, genro) (Kp vico, KLASO, ORDO).

\* **Genuo.** Antaŭa parto de la artiklo kuniganta la femuron kun la kruro : *preni infanon sur la ~ojn. (Sur)~l* (ntr). **1** Fleksi la ~ojn. **2** Sur~iĝi.

**geodo** \*. Minerala, kavforma maso, sfereca, interne kovrita de kristaloj. Kp GANGO.

**Geodezio.** Scienco per kiu oni difinas la grandon kaj formon de la tero aŭ de parto de la tero.

**geofiziko** (Sc). Scienco pri la fizikaj leĝoj de la tero.

**geografo** = geografiisto.

**Geografio.** Scienco, kiu pritraktas la aspekton de la diversaj regionoj de la tero : *nomoj propraj k ~aj ricevis en la vortaro apartan lokon* ; ~a karto.

**Geologo** = geologiisto.

**Geologio.** Scienco, kiu studas la solidan ŝelon de la tero k la fenomenojn rilatanajn al ĝia konsisto.